



UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA
ž.r. 161045003682073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1518/09

Banja Luka, 30.09.2009.

SAOPŠTENJE ZA JAVNOST

Povodom usvajanja Zakona o izmirenju obaveza po osnovu stare devizne štednje kao unutrašnjeg duga Federacije BiH u Domu naroda Parlamenta F BiH od 28.09.2009.g. kojim se na identičan način regulišu prava deviznih štediša kao i u Republici Srpskoj, Udruženje građana za povrat stare devizne štednje u BiH i dijaspori obraća se ovim saopštenjem u cilju zaštite prava i interesa deviznih štediša kojima je država obavezana da izmiri dug prema njima koji je regulisan Sporazumom o pitanju sukcesije od 29. juna 2001. g. Navedenim zakonima kako u Federaciji BiH tako i u Republici Srpskoj sredstva po osnovu stare devizne štednje treba da se regulišu otpisivanjem kamata do 1991. godine i emitovanjem obveznica po kojima je potreban duži vremenski period za naplatu istih a što nikako nije u interesu štediša niti je u skladu sa odredbama Evropske konvencije o zaštiti ljudskih prava i osnovnih sloboda jer se navedenom Konvencijom garantuju između ostalog i pravo na mirno uživanje svoje imovine svakom čovjeku . Tako je prema navedenom zakonu F BiH produžen rok za verifikaciju stare devizne štednje do 31. decembra 2010.g., a neverifikovane obaveze mogu biti dokazivane samo u sudskom postupku. Kako je ovo Udruženje pokrenulo postupak kod Evropskog suda za ljudska prava u Strazburu protiv bivših Republika (sada države BiH, Srbija i Slovenija), te kako su naše aplikacije prihvaćene od strane suda i za sada ih ima oko 15.000, a s obzirom da je skoro kompletan državni kapital BiH otkupljen tzv. „starom” deviznom štednjom a da vlasnici te iste devizne štednje nisu imali pravo da svojim novcem bilo šta kupe, tajkuni, ratni profiteri, ratni zločinci i njima bliski opljačkali su narod, radnike istjerali na ulice a devizne štediša su ostale bez svoje uštedevine, to skrećemo pažnju svim štedišama stare devizne štednje da ni u kom slučaju

ne pristupaju verifikaciji takve štednje jer je ona verifikovana u njihovim štednim knjižicama i nema potrebe za nekom novom verifikacijom . One štediša koje su ipak verifikovale staru deviznu štednju i tom prilikom se odrekli podnošenja tužbe protiv države za povrat svojih deviznih sredstava mogu također putem našeg Udruženja da apliciraju kod Evropskog suda za ljudska prava u Strazburu koji može donijeti odluku o dopuštenosti zahtjeva (aplikacije) i utvrditi postojanje kršenja člana 6. navedene Konvencije i člana 1. Protokola br. 1 uz Konvenciju te obavezati tužene države da isplate u roku od 3 mjeseca od dana konačnosti presude glavni dug s pripadajućim zateznim kamatama, a preračunato u konvertibilne marke po stopi koja se primjenjuje na dan isplate. Ukoliko država u roku od 3 mjeseca ne izvrši svoju obavezu bit će obavezana da plati kamatu po viđenju na navedene iznose po stopi jednakoj najmanjoj kreditnoj stopi Evropske središnje banke za razdoblje neizmirenja i uvećana za 3%. Od dosuđenog iznosa odbit će se iznos eventualne isplate primljene rate po osnovu verifikacije. Želimo posebno skrenuti pažnju da je od završetka rata u 1995.g. do danas proteklo punih 14 godina a od potpisivanja Sporazuma o sukcesiji više od 8 godina a za cijelo to vrijeme država nije poduzela ništa na ispunjenju svojih obaveza prema deviznim štedišama , nego ovaj rok još produžava za još 8 godina , pa se postavlja pitanje da li će mnoge štediša i doživjeti taj rok ne računajući njihove nasljednike.

Stoga pozivamo i sve druge štediša koje nisu učlanjene u naše Udruženje da to učine što prije i na taj način apliciraju kod Evropskog suda za ljudska prava u Strazburu koji je već prihvatio oko 15.000 aplikacija i o tome obavijestio ovo udruženje s napomenom da se uskoro mogu očekivati i presude po tim aplikacijama uz napomenu da je za nekoliko štediša sud već donio pozitivne presude.

Zastupnik,
ADVOKAT
Ekrem Pasić advokat s.r.
PASIĆ A. EKREM
75000 Tuzla, Trg-Stara Tržnica 6
Telefon: 075 / 252 - 088

Predsjednik
Upravnog Odbora
(Svetozar Nišić)

